

## RESOLUCIÓN REITORAL DO 6 DE NOVEMBRO DE 2024, POLA QUE SE ESTABLECE O PROCESO DE SELECCIÓN DE TITULACIÓNS UNIVERSITARIAS OFICIAIS DE MESTRADO IMPARTIDAS POLA UNIVERSIDADE DA CORUÑA (UDC), NO CURSO ACADÉMICO 2023/24, PARA OPTAR Á CONCESIÓN DE MENCIÓN DE EXCELENCIA

Mediante a [Orde do 21 de outubro de 2024](#) (*Diario Oficial de Galicia* do 30 de outubro), a Consellería de Educación, Ciencia, Universidades e Formación Profesional establece as bases reguladoras e convoca, en réxime de concorrencia competitiva, a concesión de mención de excelencia na Comunidade Autónoma de Galicia a un máximo de dúas titulacións universitarias oficiais de mestrado impartidas polas universidades públicas do Sistema Universitario de Galicia (SUG).

Esta distinción pretende favorecer a posta en marcha de medidas de mellora da calidade na oferta de mestrados universitarios nas universidades públicas do SUG, nunha aposta polo futuro da Comunidade Autónoma de Galicia, de cara a satisfacer a necesidade de formación especializada, tanto profesionalizante como de carácter investigador que vén requirindo a nosa contorna socioeconómica. O outorgamento da mención de mestrado universitario excelente permitiralles a estas titulacións contar cunha diferenciación e identificación coa calidade e o prestixio, potenciar a actividade docente e investigadora e incrementar o seu atractivo e a capacidade de retención de talento.

Co obxecto de cumprir o que dispón a dita orde, **resolvo** convocar o proceso de selección entre as titulacións de mestrado universitario que se imparten na UDC no curso académico 2023/24, coa finalidade de seleccionar as dúas titulacións que se presentarán para optar á obtención da mención de excelencia na Comunidade Autónoma de Galicia, que se rexerá polas seguintes

### BASES:

#### Primeira. Participantes:

Poderán participar nesta convocatoria as facultades e escolas da UDC que estean interesadas en presentar algunha das súas titulacións de mestrado universitario como candidatas á mención de excelencia. De ser o caso, deberán presentar de forma prioritaria as titulacións que se estean impartindo neste curso académico.

O número de titulacións que presenten non poderá ser superior ao 50 % do total de mestrados universitarios que correspondan a cada centro e co máximo de dúas titulacións por cada facultade ou escola. Este límite non será de aplicación no caso de que o centro imparta tan só un título de mestrado.

As solicitudes das titulacións interuniversitarias faranse exclusivamente na universidade coordinadora.

Código Seguro De Verificación	1z06/+lEERitrJQzn+gxNg==	Estado	Data e hora
Asinado Por	Vicerreitor de Titulacións e Internacionalización - Moisés Canle López	Asinado	06/11/2024 12:06:26
Observacións		Páxina	1/5
Url De Verificación	<a href="https://sede.udc.gal/services/validation/1z06/+lEERitrJQzn+gxNg==">https://sede.udc.gal/services/validation/1z06/+lEERitrJQzn+gxNg==</a>		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



### Segunda. Requisitos:

Os títulos para os que se solicite a mención de mestrado universitario excelente deberán cumprir os seguintes requisitos:

1. Ser títulos de mestrado universitario de carácter oficial e validez en todo o territorio nacional, que contén coa autorización de impartición da Comunidade Autónoma.
2. Que veñan sendo impartidos por algunha das universidades do SUG de xeito ininterrompido, como mínimo, desde o curso 2020/21 e que continúen impartíndose na actualidade.

### Terceira. Forma e prazo de presentación de solicitudes:

As facultades e escolas presentarán na Vicerreitoría de Titulacións e Internacionalización, a través de correo electrónico [vti@udc.gal](mailto:vti@udc.gal), as súas solicitudes debidamente cubertas para cada título conforme os anexos I e II desta convocatoria, acompañando a documentación acreditativa necesaria.

O prazo de presentación remata o día 9 de decembro de 2024.

### Cuarta. Selección:

O órgano competente para efectuar a selección das propostas presentadas é a Comisión de Plan de Estudos (CPE), delegada do Consello de Goberno da UDC, que aplicará os criterios de valoración e puntuación que constan no anexo II desta convocatoria, segundo o establecido no artigo 9 da Orde do 21 de outubro de 2024 xa mencionada.

Esta comisión poderalles requirir ás facultades e escolas as emendas necesarias no caso de que as solicitudes carezan dalgún requisito dos establecidos nesta convocatoria e concederalles o prazo correspondente para cumprir co disposto na orde precitada.

A selección provisional publicarase no Taboleiro Electrónico Oficial (TEO) da Universidade para que, no prazo que estableza a CPE, os centros participantes poidan presentar alegacións.

### Quinta. Acordo da Comisión:

Unha vez examinadas as alegacións, de ser o caso, a CPE adoptará o acordo mediante o que se efectúa a selección definitiva dos dous títulos de mestrado universitario que serán presentados, mediante unha solicitude dirixida á Secretaría Xeral de Universidades, na forma e no prazo que determina o artigo 4 da Orde do 21 de outubro de 2024, xunto coa documentación complementaria necesaria prevista no seu artigo 5.

Código Seguro De Verificación	1z06/+lEERitrJQzn+gxNg==	Estado	Data e hora
Asinado Por	Vicerreitor de Titulacións e Internacionalización - Moisés Canle López	Asinado	06/11/2024 12:06:26
Observacións		Páxina	2/5
Url De Verificación	<a href="https://sede.udc.gal/services/validation/1z06/+lEERitrJQzn+gxNg==">https://sede.udc.gal/services/validation/1z06/+lEERitrJQzn+gxNg==</a>		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



**Sexta. Norma derradeira:**

Contra esta resolución, que esgota a vía administrativa, poderase interpoñer un recurso ante a xurisdición contencioso administrativa, no prazo de dous meses, que conta dende o día seguinte á súa publicación, de conformidade co que dispón a Lei 29/1998, do 13 de xullo, reguladora da xurisdición contencioso administrativa. Potestativamente, poderase optar por interpoñer contra esta resolución un recurso de reposición, no prazo dun mes, que conta a partir do día seguinte á publicación desta resolución, ante o mesmo órgano que a ditou. Neste caso non se poderá interpoñer un recurso contencioso administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

A Coruña,

O reitor,  
PD (10/07/2024)  
O vicerreitor de Titulacións e Internacionalización  
Moisés Canle López

Código Seguro De Verificación	1z06/+lEERitrJQzn+gxNg==	Estado	Data e hora
Asinado Por	Vicerreitor de Titulacións e Internacionalización - Moisés Canle López	Asinado	06/11/2024 12:06:26
Observacións		Páxina	3/5
Url De Verificación	<a href="https://sede.udc.gal/services/validation/1z06/+lEERitrJQzn+gxNg==">https://sede.udc.gal/services/validation/1z06/+lEERitrJQzn+gxNg==</a>		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



ANEXO I  
Memoria descriptiva

<b>Denominación do título</b>	
-------------------------------	--

Responsable do título (coordinador/a)	
1º apelido	
2º apelido	
Nome	
DNI	
Categoría profesional	

Requisitos para solicitar a mención	
Denominación do mestrado universitario oficial	
Centro/s onde se imparte o título	
Título conxunto (si/non)	Si <input type="checkbox"/> Non <input type="checkbox"/>
Universidades participantes (indique a universidade coordinadora)	
Natureza do centro universitario	Propio <input type="checkbox"/> Adscrito <input type="checkbox"/>
Data de publicación no DOG	
Código RUCT	
Rama de coñecemento	
Curso de inicio da impartición do mestrado universitario	
Impartición ininterrompida desde o curso 2020/21	Si <input type="checkbox"/> Non <input type="checkbox"/>
Alumnado matriculado	<u>2020/21</u> <u>2021/22</u> <u>2022/23</u>

<b>Código Seguro De Verificación</b>	1z06/+1EERitrJQzn+gxNg==	<b>Estado</b>	<b>Data e hora</b>
<b>Asinado Por</b>	Vicerreitor de Titulacións e Internacionalización - Moisés Canle López	Asinado	06/11/2024 12:06:26
<b>Observacións</b>		<b>Páxina</b>	4/5
<b>Url De Verificación</b>	<a href="https://sede.udc.gal/services/validation/1z06/+1EERitrJQzn+gxNg==">https://sede.udc.gal/services/validation/1z06/+1EERitrJQzn+gxNg==</a>		
<b>Normativa</b>	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



**ANEXO II**  
Memoria xustificativa

**Documentación acreditativa dos criterios avaliábeis**

<b>a) Aspectos xerais do mestrado</b>	<b>Puntuación: ata 25 puntos</b>	<b>Documentación que achega:</b>
Taxa de ocupación (prazas ocupadas %/prazas ofertadas) *matrícula real	5 puntos	
Entidades públicas e privadas que colaboren directamente co mestrado	6 puntos	
Procedementos de selección do alumnado	5 puntos	
Porcentaxe de alumnado estranxeiro con matrícula ordinaria (excluídos programas de mobilidade)	2 puntos	
Existencia de titorización e mentorización individuais	7 puntos	

<b>b) Profesorado do mestrado</b>	<b>Puntuación: ata 15 puntos</b>	<b>Documentación que achega:</b>
Méritos relevantes do profesorado funcionario da universidade solicitante	10 puntos	
Adecuación do currículo docente e investigador do profesorado cos contidos que imparten no mestrado	2 puntos	
Prestixio e recoñecemento do profesorado externo á universidade responsable do título	3 puntos	

<b>c) Estratexia</b>	<b>Puntuación: ata 20 puntos</b>	<b>Documentación que achega:</b>
Visión, misión e desenvolvemento futuro do mestrado	1 puntos	
Plan de xestión do mestrado para os vindeiros cinco cursos académicos	14 puntos	
Escenario de mellora no caso de obter o recoñecemento de mención de mestrado	5 puntos	

<b>d) Plan de estudos</b>	<b>Puntuación: ata 15 puntos</b>	<b>Documentación que achega:</b>
Porcentaxe de créditos prácticos no plan de estudos vixente (excluídas as prácticas externas obrigatorias)	5 puntos	
Porcentaxe de prácticas obrigatorias en empresas	4 puntos	
Emprego de metodoloxías docentes innovadoras	6 puntos	

<b>e) Resultados</b>	<b>Puntuación: ata 25 puntos</b>	<b>Documentación que achega:</b>
Resultados das enquisas de satisfacción do alumnado	5 puntos	
Seguimento dos egresados no mercado laboral	10 puntos	
Indicadores externos de recoñecemento do mestrado (artigos, rankings)	10 puntos	

<b>f) Emprendemento</b>	<b>Puntuación: ata 10 puntos</b>	<b>Documentación que achega:</b>
Existencia ou compromiso de implantación no curso 2025/26 dun módulo vinculado directamente cunha formación en emprendemento e autoemprego	10 puntos	

Sinatura electrónica do/a responsable do centro.

<b>Código Seguro De Verificación</b>	1z06/+lEERitrJQzn+gxNg==	<b>Estado</b>	Asinado	<b>Data e hora</b>	06/11/2024 12:06:26
<b>Asinado Por</b>	Vicerreitor de Titulacións e Internacionalización - Moisés Canle López		<b>Páxina</b>	5/5	
<b>Observacións</b>					
<b>Url De Verificación</b>	https://sede.udc.gal/services/validation/1z06/+lEERitrJQzn+gxNg==				
<b>Normativa</b>	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).				

